

ქ. ბათუმი

30 მარტი, 2018 წელი

ერთის მხრივ აჭარის ა.რ. მთავრობის საქვეუწყებო დაწესებულება-საავტომობილო გზებისა და სამელიორაციო სისტემების მართვის დეპარტამენტი, წარმოდგენილი უფროსის არჩილ ჩიქოვანის სახით, შემდგომში “შემსყიდველი” და მეორეს მხრივ შპს “ეკონათება” (ქ.ბათუმი ბარათაშვილის ქ.№36), წარმოდგენილი დირექტორის - შორენა თავდგირიძის სახით, შემდგომში “მიმწოდებელი”, „სახელმწიფო შესყიდვების შესახებ” საქართველოს კანონის მე-3 მუხლის I პუნქტის “ს1” ქვეპუნქტის შესაბამისად დებენ წინამდებარე ხელშეკრულებას შემდეგზე:

1. ხელშეკრულების საგანი და ღირებულება

- 1.1. წინამდებარე ხელშეკრულების საგანს წარმოადგენს მიმწოდებელის მიერ შემსყიდველის საჭიროებიდან გამომდინარე 20 (ოცი) ცალი ეკო ნათურა(HALF-SP-36W220V TORCH6400K E27)- 140.00 ლარი. 10 (ათი) ცალი ვარვარის ნათურა (znps55Clear60w230v e27) - 5 ლარი.10 (ათი) ცალი ეკო ნათურა (Half.sp.85w220v27 BULETORCH 6400k) – 80 ლარი მიწოდება (CPV კოდი – 31500000), შემდგომში „საქონელი”.
- 1.2. სახელშეკრულებო თანხა შეადგენს 225.00 (ორასოცდახუთი) ლარს.
- 1.3. ინვოისი თან ერთის და წარმოადგენს ხელშეკრულების განუყოფელ ნაწილს.

2. საქონლის მიღება – ჩაბარება

- 2.1. საქონელი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ. მიღება-ჩაბარებას ახორციელებს დეპარტამენტის ლოჯისტიკის სამსახური.
- 2.2. მიღება-ჩაბარების აქტის, ანგარიშფაქტურის და სასაქონლო ზედნადების საფუძველზე შემსყიდველი ახდენს ანგარიშსწორებას მიმწოდებლისაგან მიღებული საქონლისათვის.
- 2.3. საქონლის ან მისი ნაწილის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 2.4. შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

3. გარანტია

- 3.1. მიმწოდებელი იძლევა გარანტიას, რომ მიწოდებული საქონელი მისი ესპლუატაციის ნორმების დაცვის შემთხვევაში, არ გამოავლენს დეფექტებს.
- 3.2. მიმწოდებელი ვალდებულია შეტყობინების მიღებისთანავე განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 3.3. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები საქონლის გამოყენების პროცესში წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

4. ანგარიშსწორება

- 4.1. ანგარიშსწორება მიმწოდებელთან ხორციელდება მიღება-ჩაბარების აქტის გაფორმების, ანგარიშფაქტურის და სასაქონლო ზედნადების წარდგენის შემდეგ არაუგვიანეს 10 სამუშაო დღის განმავლობაში.
- 4.2. ანგარიშსწორება განხორციელდება უნაღდო ანგარიშსწორების ფორმით.
- 4.3. ანგარიშსწორება მიმწოდებელთან განხორციელდება ლარებში.

5. მხარეთა პასუხისმგებლობა

- 5.1. ხელშეკრულების პირობების შეუსრულებლობის ან არაჯეროვნად შესრულებისათვის მიმწოდებელი ვალდებულია გადაუხადოს შემსყიდველს პირგასამტეხლოს სახით სახელშეკრულებო ღირებულების 5.0 %, ხოლო მიმწოდებლის მიწაეზით ხელშეკრულების შეწყვეტის შემთხვევაში სახელშეკრულებო ღირებულების 10% არაუგვიანეს 5 სამუშაო დღეში და უზრუნველყოს დარღვეული უფლების დაუყოვნებლივ გამოსწორება.
- 5.2. შემსყიდველი ვალდებულია გადაუხადოს მიმწოდებელს ანგარიშსწორების ვადების დარღვევისათვის პირგასამტეხლოს სახით ჯარიმა ასანაზღაურებელი თანხის 0,02 პროცენტის ოდენობით ყოველი ვადაგადაცილებული დღისათვის.
- 5.3. მიმწოდებელი ვალდებულია გადაუხადოს შემსყიდველს მიწოდების ვადების დარღვევისათვის პირგასამტეხლოს სახით ჯარიმა სახელშეკრულებო ღირებულების 0,02 პროცენტის ოდენობით ყოველი ვადაგადაცილებული დღისათვის.
- 5.4. იმ შემთხვევაში, თუ მიმწოდებელზე ხელშეკრულების პირობების დადგენის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5 (ხუთი) პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.
- 5.5. საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისაგან.

6. ხელშეკრულების შეწყვეტა მისი პირობების შეუსრულებლობის გამო

- 6.1. შემსყიდველს შეუძლია შეწყვიტოს ხელშეკრულება, თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს საქონელი.
- 6.2. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
 - ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;
 - დ) საქართველოს კანონმდებლობით გათვალისწინებულ სხვა შემთხვევაში.
- 6.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

7. ხელშეკრულების შესრულების კონტროლი

- 7.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ტექნიკური კონტროლი და/ან გამოცადოს საქონელი. შემსყიდველმა წერილობითი სახით და თავისდროულად უნდა აცნობოს მიმწოდებელს, ამ მიზნებისათვის განკუთვნილი თავისი წარმომადგენლების შესახებ.

7.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი ტექნიკური საშუალებებით და სხვა სამუშაო პირობებით.

7.3. მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.4. მიმდინარე კონტროლი ხელშეკრულების პირობების შესრულებაზე ევალება დეპარტამენტის ლოჯისტიკის სამსახურს, ხოლო საერთო კონტროლი დეპარტამენტის უფროსის დარგის კურატორ მოადგილეს.

8. ფორს-მაჟორი

8.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადასალახავ და მათი კონტროლისაგან დამოკიდებულ გარემოებებს, რომლებიც არ არიან დაკავშირებული შემსყიდველისა და ან მიმწოდებლის შეცდომებთან და დაუდევრობასთან.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხრისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9. სხვა პირობები

9.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

9.2. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.3. თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.4. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398 მუხლით გათვალისწინებული შემთხვევებისა.

9.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9.6. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

9.7. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის, ან ფაქსის სახით ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება შედის ძალაში ადრესატის მიერ

მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

9.8. ხელშეკრულება და მასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულდება ქართულ ენაზე.

9.9. ხელშეკრულება შედგენილია სამი თანაბარი იურიდიული ძალის მქონე ეგზემპლარად, აქედან ორი ეგზემპლარი ინახება შემსყიდველთან, ხოლო ერთი ეგზემპლარი მიმწოდებელთან.

10. ხელშეკრულების მოქმედების ვადა

10.1. მიწოდების ვადა განისაზღვროს ხელშეკრულების დადებიდან 2018 წლის 30 აპრილამდე.

10.2. ხელშეკრულება ძალაში შედის მხარეთა მიერ ხელმოწერის შემდეგ და მოქმედებს 2018 წლის 31 მაისამდე.

11. მხარეთა იურიდიული მისამართები და რეკვიზიტები.

„შემსყიდველი“

„მიმწოდებელი“

ქ. ბათუმი ჯავახიშვილის №72ა
აჭარის ა.რ. მთავრობის
საქვეუწყებო-დაწესებულება
საავტომობილო გზებისა და
სამელიორაციო სისტემების
მართვის დეპარტამენტი
ანგარიშის №-

GE62TB7901736010100015

საიდ. კოდი: 245538333

მიმღები ბანკი: ს.ს. „თიბისი“

ბანკის კოდი: **TBCBTGE22**

ქ. ბათუმი, ბარათაშვილის ქ. №36

შ.პ.ს „ეკონათება“

ანგარიშის №

GE16BG0000000563907500

საიდ. კოდი: 445 471 132

მიმღები ბანკი: ს.ს. „საქართველოს ბანკი“

ბანკის კოდი: **BAGAGE22**

უფროსი არჩილ ჩიქოვანი



დირექტორი: შორენა თავდგირიძე



ს/კ 445471132
ბარათაშვილის 36

„ შპს ეკონათება "

ქ. ბათუმი,

თარიღი:
ინვოისის №:
გადახდის ვადა:

29.03.2018
493
0

გადამხდელი:

აჭარის არ მთავრობის საქვეუწ. დაწეს. - საავტომობ.გზებისა და სამელიორაციო სისტემების
საიდენტიფიკაციო კოდი: 245538333
მისამართი: ქ.ბათუმი ჯავახიშვილის 72

№	დასახელება	საზომი ერთეული	რაოდენობა	ფასი	თანხა
1	ეკონათება (HALF.SP.36W220V TORCH 6400K E27	ცალი	20	7,00	140,00
2	ნათურა ვარვარა (znps55Clear60w230v e27	ცალი	10	0,50	5,00
3	ეკონათება (Half.sp.85w220ve27 BUL TORCH 6400k	ცალი	10	8,00	80,00
			ჯამი (GEL):	40,00	225,00

საბანკო რეკვიზიტები

მიმღები: შპს ეკონათება
ბანკის დასახელება: საქართველოს ბანკი
ბანკის კოდი: BAGAGE22
ანგარიშის ნომერი: GE16EG0000000563907500

